

十三經

十

三

經

毛詩注疏卷十一

漢鄭氏箋

唐陸德明音義

孔穎達疏

國風

秦

車鄰

美秦仲也。秦仲始大有車馬。禮樂侍御之好

焉。

車鄰

鄰。本亦作隣。又作麟。栗人反。秦仲始大絕句。或連下句非。

疏

正義曰。作車鄰詩者。美秦

仲也。秦仲之國始大。又有車馬禮樂侍御之好焉。故美之也。言秦仲始大者。秦自非子以來。世為附庸。其國仍小。至今秦仲而國土大矣。由國始大而得有此車馬禮樂。故言始大以冠之。有車馬者。首章上二句是也。侍御者。下二句是也。二章卒章言鼓瑟鼓簧。並論樂事。用樂必有禮。是禮樂也。經先寺人後鼓瑟。序先禮樂後侍御者。經以車馬行於道路。國人最先見之。故先言車馬。欲見秦仲。先令寺人。故次言寺人。既

見秦仲始見其禮樂。故後言鼓瑟。二章傳曰。又見其禮樂。是從外而入。以次見之。序以車馬附於身。經又在先。故先陳之。禮樂又重於侍御。故先禮樂而後侍御。此三者。皆是君之容好。故云之好焉。必知斷始大為句者。以駟鐵序云。始命。謂始命為諸侯也。即知此始大。謂國土始大也。若連下為文。即車馬禮樂多少有度。不得言大有也。王肅云。秦為附庸。世處西戎。秦仲脩德。為宣王大夫。遂誅西戎。是以始大。鄭語云。秦仲齊侯。姜嬴之雋。且大。其將興乎。韋昭注。引詩序曰。秦仲始大。是先儒斷始大為句。

有車鄰鄰。有馬白顛。

傳

鄰鄰。眾車聲也。白顛。的顛也。未

見君子。寺人之令。

傳

寺人。內小臣也。

傳

云。欲見國君者。

必先令寺人使傳告之。時秦仲又始有此臣。

音義

顛。都田反。

的。丁歷反。顛。桑黨反。寺。如字。又音侍。本或作侍字。寺人。

使伶。傳。

傳

正義曰。此美秦仲初有車馬侍御之好。言秦

直專反。

傳

仲有車衆多。其聲鄰鄰然。有馬衆多。其中有

白顛之馬。車馬既多。又有侍御之臣。未見君子。秦仲之時。若欲見之。必先有寺人之官。令請之。使寺人傳告秦仲。然後人得見之。**傳**正義曰。車有副貳。明非一車。故以鄰鄰爲衆車之聲。車既衆多。則馬亦多矣。故於馬見其毛色而已。不復言衆多也。釋畜云。馬的顛白顛。舍人曰。的。白也。顛。額也。額有白毛。今之戴星馬也。天官序官云。內小臣。奄。上士四人。寺人。王之正內五人。則天子之官。內小臣與寺人別官也。燕禮。諸侯之禮也。經云。鸞左右正與內小臣。是諸侯之官。有內小臣也。左傳。齊有寺人貂。晉有寺人披。是諸侯之官。有寺人也。然則寺人與內小臣別官矣。此云寺人。內小臣者。解寺人官之尊卑。及所掌之意。言寺人是在內細小之臣。非謂寺人官之尊卑。及小臣之官也。內小臣之官與寺人之官。猶自別矣。若然。巷伯箋云。巷伯。內小臣。奄官上士四人。與寺人之官相近。彼言巷伯。內小臣。巷伯卽是內小臣之官。此傳言寺人。內小臣。而知寺人非內小臣之官者。毛鄭異人言非一槩。正以天子諸侯之官。內小臣與寺人皆別。明傳意不以寺人爲內小臣之官也。巷伯所以知卽是內小臣者。以寺人作詩而篇名巷伯。明巷伯非寺人。序言巷伯奄官。則巷伯與寺人之官。同掌內事。相近明矣。巷者。宮

中道名也。伯者長也。主宮巷之官最長者。唯有內小臣耳。故知巷伯卽是內小臣之官也。**箋**正義曰。附庸雖未爵命。自君其國。猶若諸侯。故言欲見國君。使寺人傳告之。舉寺人以美秦仲者。明仲又始有此臣也。案夏官小臣掌王之命。天子寺人掌王之內人。及女官之戒令。然則天子之官自有小臣。主王命。寺人主內令。不主王命矣。燕禮云。小臣戒與者。則諸侯之官有小臣。亦應小臣傳君命。此說國君之禮。使寺人傳命者。天子備官。故外內異職。諸侯兼官。外內共掌之也。僖五年左傳說晉獻公使寺人披伐公子重耳於蒲。昭十年傳說宋平公之喪。使寺人柳熾炭于位。則諸侯寺人傳達君命。是禮之常也。

阪有漆。隰有栗。

傳

興也。阪者曰阪。下溼曰隰。

箋

云。興者

喻秦仲之君臣。所有各得其宜。既見君子。並坐鼓瑟。

傳

又見其禮樂焉。

箋

云。既見。既見秦仲也。並坐鼓瑟。君臣

以閒暇燕飲相安樂也。今者不樂。逝者其耄。

傳

耄。老也。

八十曰耄。**箋**云。今者不於此君之朝自樂。謂仕焉而去。

仕他國。其徒自使老。言將後寵祿也。

音義

阪音反。又扶板反。彼寄

反。又普羅反。又彼皮反。閒音閑。樂音洛。下文並同。孝

由節反。一音天節反。朝直遙反。後胡豆反。又如字。

疏

正義曰。言阪上有漆木。隰中有栗木。各得其宜。以興秦

仲之朝。上有賢君。下有賢臣。上下各得其宜。既見此君

子秦仲。其君臣閒暇無爲。燕飲相樂。並坐而鼓瑟也。既

見其善政。則願仕焉。我今者不於此君之朝。仕而自樂。

若更之他國者。其徒自使老。言將後於寵祿。無有得樂

之時。美秦仲之賢。故人皆欲願仕也。**傳**正義曰。釋地云。

下溼曰隰。李巡曰。下溼謂土地窳下。常沮洳。名爲隰也。

又云。阪者曰阪。下者曰隰。李巡曰。阪者謂高峯山。阪下

者謂下溼之地。隰溼也。**箋**正義曰。由其君明臣賢。政清

事簡。故皆並坐而觀鼓瑟。作樂必飲酒。故云燕飲相安

樂。檀弓稱工尹商陽止其御曰。朝不坐。燕不與。注云。朝

燕於寢。大夫坐於上。士立於下。彼言正法耳。秦仲君臣

安樂。或士亦與焉。故作者美之而願仕也。**傳**正義曰。耄

老。釋言文。孫炎曰。耄者色如生鐵。易離卦三。大耋之嗟。

注云。年踰七十。僖九年左傳曰。伯舅耄耋老。服虔云。七十曰耋。此言八十曰耋者。耋有七十八十。無正文也。以仕者七十致事。仕者慮己之耋。欲得早致事。故以為八十也。**箋**正義曰。作者羨其閒暇。欲得自樂。故知樂者謂仕焉。逝。訓為往。故知逝者謂去仕他國。今得明君之朝。不仕而去。是其徒自使老。言將後寵祿。謂年歲晚莫。不堪仕進。在寵祿之後也。

阪有桑。隰有楊。既見君子。並坐鼓簧。**傳**簧。笙也。今者不

樂。逝者其亡。**傳**亡。喪棄也。**音義**簧。音黃。

車鄰三章一章四句二章章六句

圖駟驥美襄公也。始命有田狩之事。園囿之樂焉。**圖**

始命。命為諸侯也。秦始附庸也。**音義**驥。田結反。又吐

始命。絕句。囿。音又。沈又尤。菊反。樂。音洛。**疏**正義曰。作駟驥詩者。美襄公也。秦自非子以來。世為附庸。

未得王命。今襄公始受王命爲諸侯。有遊田狩獵之事。園囿之樂焉。故美之也。諸侯之君。乃得順時遊田。治兵習武。取禽祭廟。附庸未成。諸侯其禮則闕。故今襄公始命爲諸侯。乃得有此田狩之事。故云始命也。田狩之事。三章皆是也。言園囿之樂者。還是田狩之事。於園於囿。皆有此樂。故云園囿之樂焉。獵則就於囿中。上二章。囿中事也。調習則在園中。下章。園中事也。有蕃曰園。有牆曰囿。園囿大同。蕃牆異耳。囿者。域養禽獸之處。其制。諸侯四十里。處在於郊。靈臺云。王在靈囿。鄭駁異義引之云。三靈辟雍。在郊明矣。孟子對齊宣王云。臣聞郊關之內。有囿方四十里。是在郊也。園者。種菜殖果之處。因在其內。調習車馬。言遊於北園。蓋近在國北。地官載師云。以場圃任園地。明其去國近也。**箋**正義曰。本紀云。平王封襄公爲諸侯。賜之岐西之地。然則始命之爲諸侯。謂平王之世。又解言始命之意。秦始爲附庸。謂非子至於襄公莊公。常爲附庸。今始得命。故言始也。本或秦下有仲。衍字。定本直云。秦始附庸也。

駟驥孔阜。六轡在手。

傳

驥驪阜大也。

箋

云。四馬六轡。六

轡在手。言馬之良也。公之媚子。從公于狩。**傳**能以道媚

於上下者。冬獵曰狩。**箋**云。媚于上下。謂使君臣和合也。

此人從公往狩。言襄公親賢也。

音義

阜。符有反。驪。力知反。媚。眉冀反。

疏

正義曰。言襄公乘一乘駟。驪色之馬。甚肥大也。馬既肥大。而又良善。御人執其六轡在手而已。不須控制之也。公乘此良馬。與賢人共獵。公之臣有能媚於上下之子。從公而往田狩。公又能親賢如是。故國人美之。**傳**正義曰。檀弓云。夏后氏尚黑。戎事乘驪。則驪為黑色。驪者。言其色黑如驪。故為驪也。說馬之壯大而云孔阜。故知阜為大也。**箋**正義曰。每馬有二轡。四馬當八轡矣。諸文皆言六轡者。以驂馬內轡納之於缺。故在手者唯六轡耳。聘禮云。賓覲總乘馬。注云。總八轡牽之。贊者謂步牽馬。故八轡皆在手也。大叔于田言六轡如手。謂馬之進退。如御者之手。故為御之良。此言六轡在手。謂在手而已。不假控制。故為馬之良也。**傳**正義曰。媚。訓愛也。能使君愛臣。令上媚下。又使臣愛君。令下媚上。能以己道愛於上下。故箋申之云。謂使君臣上下和合。言此一人之身。

能使人上下和合也。卷阿云媚于天子媚于庶人。謂吉士之身媚上媚下。知此亦不是。己身能上媚下媚者。以其特言公之媚子。從公于狩。明是大賢之人。能合他人。使之相愛。非待己身能愛人而已。文王四友。予曰有疏附。能使疏者親附。是其和合他人。則其為賢也。謂之媚子者。王肅云。卿大夫稱子。冬獵曰狩。釋天文。奉時辰牡。辰牡孔碩。**傳**時是辰時也。冬獻狼。夏獻麋。春

秋獻鹿豕羣獸。**箋**云。奉是時牡者。謂虞人也。時牡甚肥

大。言禽獸得其所。公曰左之。舍拔則獲。**傳**拔。矢末也。

云。左之者。從禽之左射之也。按括也。舍拔則獲。言公善

射。**音義**麋。亡悲反。舍。音捨。拔。蒲木反。射。食亦反。括。苦活反。善射。音社。**疏**正義曰。言襄

虞人奉是時節之牡獸。謂驅以待公射之。此時節之牡

獸甚肥大矣。公戒御者曰。從左而逐之。公乃親自射之。舍放矢括。則獲得其獸。言公之善射。**傳**正義曰。時是釋

詁文。釋訓云。不辰。不時也。是辰為時也。冬獻狼以下。皆
乾隆四年校刊
秦風

天官獸人文所異者。彼言獸物。此言羣獸耳。彼注云。狼膏聚。麋膏散。聚則溫。散則涼。以救時之苦也。獸物。凡獸皆可獻。及狐狸也。然則獸之供食各有時節。故謂之時。壯。**箋**正義曰。地官山虞云。若大田獵。則萊山田之野。及弊田。植虞旗于中。以致禽。然則田獵是虞人所掌。必是虞人驅禽。故知奉是時。壯謂虞人也。案獸人所獻之獸。以供膳。傳引獸人所獻。以證虞人奉之者。以下句言舍拔則獲。此是獵時之事。故知是虞人奉之也。獸人獻時節之獸。以供膳。故虞人亦驅時節之獸。以待射。虞人無奉獸之文。故引獸人之文。以解時壯耳。**傳**正義曰。言舍拔則獲。是放矢得獸。故以拔為矢末。以鏃為首。故拔為末。**箋**正義曰。王制云。佐車止。則百姓田獵。注云。佐車。驅逆之車。得不以從左驅禽。謂之佐車者。彼驅逆之車。依周禮。田僕所設。非君所乘。此公曰左之。是公命御者從禽之左逐之。欲從禽之左而射之也。此是君所乘田車。非彼驅逆之車也。逐禽由左。禮之常法。必言公曰左之者。公見獸。乃命逐之。故言公曰。傳以拔為矢末。不辨為拔之處。故申之云。拔。括也。家語孔子與子路論矢之事。云。括而羽之。鏃而彌之。其入之不益深乎。是謂矢末為括也。既言公曰。則是公自舍之。故云公善射也。

遊于北園四馬既閑

傳

閑習也

箋

云公所以田則克獲

者乃遊于北園之時時則已習其四種之馬輶車鸞鑣

載獫歇驕

傳

輶輕也獫歇驕田犬也長喙曰獫短喙曰

歇驕

箋

云輕車驅逆之車也置鸞於鑣異於乘車也載

始也始田犬者謂達其搏噬始成之也此皆遊於北園

時所為也

音義

種章勇反輶由九反又音由鸞盧端反鑣彼驕反獫力驗反說文音力劒反歇

本又作獨許謁反說文音火遏反驕本又作驕同許喬反輕遣政反又如字下同象況廢反驅丘遇反或丘于

反乘繩證反搏

疏

正義曰此則倒本未獵之前調習車

馬既已閑習之矣於是之時調試輕車置鸞於鑣以試

之既調和矣又始試調習獫與歇驕之犬皆曉達搏噬之

事遊于北園已試調習故今狩於園中多所獲得也

傳

正義曰閑習釋詁文

箋

正義曰夏官校人辨六馬之屬

種馬戎馬齊馬道馬田馬馬馬天子馬六種諸侯四種

鄭以隆殺差之諸侯之馬無種戎也此說獵事止應調

習田馬而已而云四種之謂皆調之者以其田獵所以

教戰諸馬皆須調習故作田馬調和廣言四種皆

習也傳正義曰輶輕釋言又此說獵事故知獵與歇驕

皆田犬非守犬也故辨之犬象獵短象歇驕釋畜文李

巡曰分別犬象長短之名正義曰夏官田僕掌設驅

逆之車注云驅驅禽使前獲逆御還之使不出圍然

則田僕掌田而設驅逆之車故知輕車即驅逆之車也

若君所乘者則謂之田車宜以輪輕為名且下句說

犬明是車驅之而犬獲之矣知是驅逆之車非若車也

冬官考工記云乘車之輪崇六尺有六尺注云乘車玉

路金路象路也言置鸞於輪異於乘車謂異於彼玉金

象也夏官大馭及玉藻經解之注皆云鸞在衡和在軾

謂乘車之鸞也此云鸞鑣則鸞在於鑣故異於乘車也

鸞和所在經無正文經解注引韓詩內傳曰鸞在衡和

在軾又大戴禮保傅篇文與韓詩說同故鄭依用之

蕭傳曰在軾曰和在鑣曰鸞箋不易之異義戴禮戴毛

氏二說謹案云經無明文且殷周或異故鄭亦不駁商

頌烈祖箋云鸞在鑣以無明文且殷周或異故鄭為

商

解。釋詁云。哉。始也。哉。載義同。故亦為始。釋訓云。暴虎。徒搏也。則搏者。殺獸之名。哀十二年左傳曰。國狗之瘼。無不噬也。則噬謂齧也。此小人初成。始解搏噬。故云。始成之也。章首云。遊于北園。此遊北園特習也。

駟驥三章章四句

序 小戎。美襄公也。備其兵甲以討西戎。西戎方彊而

征伐不休。國人則矜其車甲。婦人能閔其君子焉。**箋**

矜。夸大也。國人夸大其車甲之盛。有樂之意也。婦人

閔其君子。恩義之至也。作者敘內外之志。所以美君

政教之功。**音義** 小戎。王云。駕兩馬者。矜。居澄。**疏** 正義曰。作

小戎詩者。美襄公也。襄公能備具其兵甲以征討西戎。於是之時。西戎方漸彊盛。而襄公征伐不休。國人應苦其勞。婦人應多怨曠。襄公能說以使之。國人忘其軍旅之苦。反矜夸其車甲之盛。婦人無怨曠。

之志。則能閔念其君子。皆襄公使之得所。故序外內之情以美之。三章皆上六句。是矜其車甲。下四句。是閔其君子。**箋**正義曰。僖九年。公羊傳曰。葵丘之會。桓公震而矜之。叛者九國。矜者何。猶曰。莫若我也。班固云。矜。夸宮室。是矜為夸大之義也。

小戎。餞收。五檠梁軛。

傳

小戎。兵車也。餞。淺收軫也。五。五

束也。檠。歷錄也。梁。軛。軛上句衡也。一軛五束。束有歷錄。

箋

云。此羣臣之兵車。故曰小戎。游環脅驅。陰鞞塗續。

傳

游環。鞞環也。游在背上。所以禦出也。脅。驅。慎駕具。所以

止入也。陰。揜軌也。鞞。所以引也。塗。白金也。續。續鞞也。

箋

云。游環在背上。無常處。貫驂之外轡。以禁其出。脅。驅者。

著服馬之外脅。以止驂之入。揜軌在軾。前垂軛上。塗。續。

白金飾續勒之環。文茵暢轂。駕我騏驎。**傳**文茵虎皮也。

暢轂長轂也。騏驎文也。左足白口鼻。**箋**云。此上六句者。

國人所矜。言念君子。溫其如玉。**箋**云。言我也。念君子之。

性溫然如玉。玉有五德。在其板屋。亂我心曲。**傳**西戎板。

屋。**箋**云。心曲。心之委曲也。憂則心亂也。此上四句者。婦。

人所用。閔其君子。**音義** 倅。錢淺反。收。如字。黎音木。本又作鞬。歷錄也。曲轅上束也。鞬。陟。

留反。軫之忍反。歷錄一本作歷祿。句。古侯反。驅本亦作。

駟。起俱反。勒之忍反。銓音沃。舊音惡。續義如字。徐辭屢。

反。勒居觀反。沈云。舊本皆作勒。勒者言無常處。游在驂。

馬背上。以驂馬外轡貫之。以止驂之出。左傳云。如驂之有靳。居釁反。無取於勒也。禦魚呂反。慎。或作順。義亦兩通。揜於檢反。處昌慮反。著。直略反。又丁略反。軾音式。本亦作式。茵音因。文茵以虎皮為茵。茵車席也。暢。勅亮反。轂音谷。騏音其。驎之樹反。

疏正義曰。國人夸兵車。